

Dusta Membawa Kehinaan

Daripada Abu Bakar al-Siddiq RA, Nabi SAW bersabda:

وَيَأْتِكُمْ وَالْكَذِبُ فَإِنَّهٗ بَابٌ مِنْ أَبْوَابِ النَّارِ

Maksudnya: “Dan jauhilah kamu daripada dusta kerana ia merupakan pintu dari pintu-pintu neraka.”

Hadis ini dikeluarkan al-Suyuti dan juga oleh al-Khatib di dalam *Tarikh Baghdad*.

Pedoman dan Iktibar Hadis

Antaranya:

1. Dusta atau tabiat suka berbohong boleh menjadi sifat kepada seseorang. Sifat ini membawa banyak bahaya dan mudarat kepada pendusta kerana menghilangkan thiqah manusia dan mengakibatkan kutukan dan celaan, di samping boleh melukakan maruah seseorang. Sifat ini amat sinonim dengan orang munafik sehingga Rasulullah SAW sebagaimana dalam satu riwayat menyebut bahawa tabiat manusia boleh melakukan apa sahaja kecuali khianat dan dusta, seperti riwayat Imam Ahmad.
2. Berdusta ada tiga jenis:
 - i. Berdusta dengan perkataan, iaitu perkataan yang tidak sesuai dengan perbuatan.
 - ii. Berdusta dengan tulisan, iaitu membuat suatu ikatan, akad, laporan atau berita yang tidak sesuai dengan kejadian ataupun keadaan yang sebenarnya.
 - iii. Berdusta dalam hati, hatinya mendustakan sedang mulutnya membenarkan.

4. Berdusta menjadi lebih parah jika dikuasai oleh penjawat awam atau pemegang amanah kerana harapan masyarakat amat tinggi kepadanya. Sudah tentu sifat tersebut menghilangkan integritinya. Begitu juga dengan berdusta menjadikan masyarakat saling tidak percaya mempercayai sehingga realiti sebenarnya atau kebenaran terpadam dalam kamus kehidupan mereka. Akhirnya tabiat berdusta membawa kepada kerugian, kemunduran dan yang lebih parah kehancuran sesebuah negara, institusi, syarikat dan juga individu.
5. Sebagai umat Islam, sifat dusta mesti dihapuskan dalam kamus kehidupan. Contohnya, suami tetap jujur dengan isteri, anak dengan ibu bapa dan sebaliknya. Apabila hal ini dapat dilaksanakan sudah pasti sifat benar akan sentiasa kekal dalam diri dan masyarakat yang sudah pasti melahirkan ketenangan dan kebahagiaan.

Mutiara Hikmah

- ❖ **Al-Rabi' bin Khaitham Rahimahullah** sentiasa membawa pensil pada waktu pagi dan kertas untuk dicatat setiap patah kalamnya. Kemudian pada waktu petang beliau bermuhasabah dengannya.
- ❖ **Ahli hikmah berkata:** Enam perkara menunjukkan kebodohan:
 - i. Marah tidak pada tempatnya seperti marah pada seorang, binatang atau lain-lainnya.
 - ii. Bicara yang tidak berguna. Oleh kerana itu seharusnya seorang yang berakal tidak berkata kecuali jika penting dan berguna.
 - iii. Pemberian yang tidak pada tempatnya seperti boros harta atau memberi kepada orang yang tidak akan berguna baginya.
 - iv. Membuka rahsia kepada orang lain.
 - v. Percaya kepada semua orang.
 - vi. Tidak dapat membezakan antara kawan dengan lawan. Oleh kerana itu harus mengetahui siapa musuh dan siapa kawan. Kawan untuk ditaati dan musuh untuk diawasi. Musuh yang utama ialah syaitan, yang benar-benar harus dijauhinya.

Kisah Teladan

Abu Faraj Ibn al-Jauzi mengisahkan, bahawa ada seorang lelaki yang setiap hari melihat seekor burung yang tiba membawa sepotong daging, lalu dia menghidangkannya dari suatu tempat di bandar dan membawanya menuju ke puncak seponh kurma.

Lantas lelaki ini merasa hairan, kerana burung itu sama sekali tidak akan bersarang di atas pohon kurma tersebut, maka lelaki ini berhasrat untuk memanjat pohon kurma itu. Setelah sampai di puncak, dia bertemu dengan seekor ular yang buta, setiap kali ia merasa lapar, maka burung ini tiba membawakan sepotong daging untuknya.

Oleh kerana ular itu buta, lalu lelaki itu menghampirinya. Apabila dia mendekati ular itu, ular itu akan membuka mulutnya. Lalu burung inipun menjatuhkan sepotong daging ini ke dalam mulutnya. Maha Suci Engkau ya Allah! Yang telah menundukkan burung tersebut kepada seekor ular yang buta itu dan menunjuk ular itu kepada rezekinya. Mari kita kembali kepada kisah awal tadi, Allah SWT berfirman:

إِذْ قَالَ إِبْرَاهِيمُ رَبِّيَ الَّذِي يُحْيِي وَيُمِيتُ

Maksudnya: Ketika Ibrahim mengatakan Tuhanku ialah Yang Menghidupkan dan Mematikan.

(Surah al-Baqarah: 258)

Saudaraku, cuba perhatikan kepada sang pendusta itu (Raja Namrud), kepada sang Dajjal terlaknat yang berdebat dan menyangkal tanda kebesaran Allah SWT yang paling nyata dalam kehidupan ini, iaitu kematian. Oleh kerana itu, di sana kita banyak sangat mendapatkan orang yang menjadi kafir *zindiq*, selalu berdebat menentang dan meragukan keEsaan dan ketuhanan Allah.

Betapa anehnya mereka itu, bagaimana mungkin mereka itu boleh mengingkari Allah SWT? Dan aneh sekali, mengapa mereka tidak beriman sahaja kepada-Nya?